

ռովեցաւ յոյժ, և այլ ոչ եւս կարացեալ մնալ անդ՝ դարձաւ 'ի կոստանդինուպօլիս, բայց ոչ եղիտ զՎէզիրն իպրահիմ, զի գնացեալ էր նա 'ի սլատերազմ. կարդեալ 'ի տեղի իւր փոխանորդ զՄուստաֆայ Փաշայ՝ ազգաւ Արնաւուտ, սիրող քրիստոնէից՝ և ձեռնառ զործոց նոցին առ սա դիմեաց Պատրիարքն՝ գտանել օգնութիւն ընդդէմ Լատինաց. բայց նա չհամարձակեցաւ առնել ինչ, այլ խրատ ետ եւ ասէ՝ խնդիրն որ 'ի մէջ ձեր եւ Լատինաց, բաց յԱրքայէ ոչ որ կարէ լուծանել. և յորժամ յանգիման լիցիս խնդրել ինչ 'ի նմանէ, հարցանէ նա զազգն և զտեղին զոր խնդրես, և ոչ կամի խափանել զիրաւունս ուրուք, եւ նորա արարեալ սյնպէս. ապա մատոյց գիր աղաչանայ՝ և Արքայ կոչեաց զտեղակալ Վէզիրին զՄուստաֆայ՝ և 'ի հարցանել նմա վասն խնդրոյն՝ նա հաստատեաց զբանս Յունաց. և Թաղաւորն կոչեալ զմին 'ի ծառայից իւրաց ասէ՝ երթ յԵրուսաղէմ, և դարձո առ Յոյնս զամենայն տեղիս՝ զոր առեալ են Լատինք. Դարձաւ Թէոփանէ հրովարտակաւ և ոստիկանաւ 'ի Ս. Քաղաքն՝ կատարել զհրաման Արքային. մօին 'ի տաճարն Ս. Յարութեան և բացին զբուռն Գերեզմանին Քրիստոսի, զոր փակեալ էին Լատինք ամիսս 9. և տիրեցին նմա Յոյնք, նաեւ Գողգոթային՝ և այրին Ծննդեան. և Պատրիարքն ետ հրաման քահանայից իւրոց՝ բառնալ զկանթեղս Լատինաց՝ 'ի Գողգոթայէ՝ և յայրէն Ծննդեան. իբրեւ տեսին Հայք՝ թէ բարձին զկանթեղս Լատինաց, բարձին նաեւ ինքեանք զկանթեղս իւրեանց եւ հանին արտաքս, Յոյնք հարցին ցնոսա զսատճառն թէ՝ ընդէ՞ր հանէք զկանթեղս, և ո՞վ հալածէ զձեզ. Հայք ետուն սլատասխանի, դուք հանիք զկանթեղս Լատին եղբարց մերոց, և մեք ոչ կամիմք բաժանիլ 'ի նոցանէ 'ի բարիս և 'ի չարիս, գիտեմք զի զկնի սակաւուց տիրեն Լատինք Ս. Տեղեաց, և զկանթեղս իւրեանց կախեն 'ի տեղիս, որպէս և էրն, յայնժամ և մեք կախեմք զկանթեղս մեր (1): Թէպէտ գրեալ էր 'ի հրովար-

(1) Բանք Յոյն պատմագրին երեւի զանգեալ ստույթեամբ, զի յառաջագոյն Լատինք բարձին զկանթեղս Հայոց և արգելին զնոսա յայրէն Ծննդեան, յետ բաղմոզիմի խռովութեանց, որպէս զբեցար 'ի նախընթաց գլուխս: